



影印

文淵閣四庫全書

第一七〇冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

春秋孔義

明 高攀龍撰……………一

春秋辯義
卷首

明 卓爾康撰……………一五五

欽定四庫全書

經部
春秋孔義卷一至三

詳校官監察御史臣沈孫連

給事中臣溫常綬覆勘

覆校官中書臣呂雲棟

校對官助教臣蔡鎮

謄錄監生臣孫承基

欽定四庫全書

經部五

春秋孔義

春秋類

提要

臣等謹案春秋孔義十二卷明高攀龍撰攀

龍字存之無錫人萬厯己丑進士官至左都

御史以閹禍投水死事蹟具明史本傳是書

斟酌於左氏公羊穀梁胡安國四家之傳無

所攷證亦無所穿鑿意主於以經解經凡經

欽定四庫全書

春秋孔義
提要

無傳有者不敢信傳無經有者不敢疑故名

曰孔義明為孔子之義而非諸儒之臆說雖

持論稍拘較之破碎綴統橫生異議者猶說

經之謹嚴者矣按朱彞尊經義考此書之外

別有李攀龍春秋孔義十二卷註曰未見書

名卷數並同攷李攀龍以詩名當世不以經

迷聞其墓誌本傳亦不云嘗有是書是必諸

家書目有以攀龍名同誤高為李者尋尊未

及攷核遂誤分為二併附訂於此以正其訛
焉乾隆四十二年五月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

春秋孔義
提要

欽定四庫全書

春秋孔義卷一

明 高攀龍 撰

隱公

元年

元年者正始也

春王正月

春周時之春也稱王正月大一統也夏時之十一月
也不書即位攝也

欽定四庫全書

春秋孔義
卷一

三月公及邾儀父盟于蔑

我所欲曰及公攝位而欲求好于邾也儀父邾君之
字也邾魯之附庸中國之附庸例稱字

夏五月鄭伯克段于鄆

稱鄭伯歸罪也克者力勝之詞不稱弟段不弟也于
鄆遠也段出奔共不書鄭伯志殺段也

秋七月天王使宰咺來歸惠公仲子之貲

王者奉若天道故稱天王其命曰天命其討曰天討

盡此道者王道也仲子繫惠公而言謂惠公之仲子妾稱也車馬曰賄貨財曰賻衣被曰綖以天王下賵諸侯之妾不天亂倫之甚也名喧以見其不王王臣雖微不名況于宰乎

九月及宋人盟于宿

惠公季年敗宋師于黃公立而求成焉稱及稱人皆非卿也

冬十有二月祭伯來

欽定四庫全書

春秋左傳卷一

二

來來朝也祭伯非王命而私交不與其朝也

公子益師卒

益師卿也不書官非受命于天子也稱公子以公子故使為卿也不日卒史不備也

二年春公會戎于潛

修惠公之好故何以書譏也

夏五月莒人入向無駭帥師入極

莒子娶于向向姜不安莒而歸莒人入向以姜氏還

書人微者也入者入而不居也無駭不氏未賜族也帥師用大眾也入向入極無王也

秋八月庚辰公及戎盟于唐

潛之會猶請盟而辭復與之盟益非義矣

九月紀履緌來迎女冬十月伯姬歸于紀

履緌紀大夫也非命卿皆書名內女嫁為諸侯夫人

則書逆書歸明重事也先儒謂譏不親逆非也諸侯

親迎迎于所館豈有妾宗廟社稷遠適他國以逆婦

欽定四庫全書

春秋左傳卷一

三

者乎

紀子伯莒子盟于密

此必紀侯莒子紀迫于齊而與于莒故相盟天下無主則小國不安而齊人滅紀之端見矣

十有二月乙卯夫人子氏薨

夫人者隱之妻也卒不書葬夫人之義從君者也

鄭人伐衛

段之亂公孫滑出奔衛衛人為伐鄭取廩延鄭人既

以王師號師伐衛南鄙矣今復擅興師何為乎

三年春王二月己巳日有食之

日食有常度何以書在人君之敬忽不敬則災

三月庚戌天王崩

天王崩不奔赴不會葬不朝新君隱之罪大矣不書而自見

夏四月辛卯尹氏卒

書尹氏譏世卿也外大夫不卒此何以卒尹氏以王

欽定四庫全書

春秋左傳卷一

四

崩為諸侯主而來赴非禮也

秋武氏子來求賻

書武氏見其世官子者父老而子攝行卿事也天王

崩諸侯不供喪而來求君不君臣不臣交譏之崩薨

者臣子之尊稱故外諸侯稱卒以別內也

八月庚辰宋公和卒

宋宣公舍其子與夷而立穆公穆公立與夷而使公

子馮出居鄭殤公忌馮自此宋鄭之爭啓矣

冬十有二月齊侯鄭伯盟于石門

齊鄭之交始此

癸未葬宋穆公

諸侯告喪魯往會葬則書穆公私諡也

四年春王二月莒人伐杞取牟婁

諸侯相伐取地於是始取者收奪之名

戊申衛州吁弑其君完

不稱公子身為大惡絕之於其先君也其又有以屬

欽定四庫全書

春秋左傳卷一

五

稱者或過其親之以啓亂或見其以親而反讐事同

詞異各有義而不可例拘也

夏公及宋公遇于清

古有遇禮以待不期之會今相期也而同于不期之

簡故書曰遇及者內為志也

宋公陳侯蔡人衛人伐鄭

宋殤不誅弑君之賊不念穆公舍其子而立已反以

馮之在鄭從州吁伐鄭天理滅矣故是役也首謀在

衛而以宋主兵

秋翬帥師會宋公陳侯蔡人衛人伐鄭

四國伐鄭圍其東門五日而還至秋宋來乞師復伐公弗許而翬固請以行無君之心兆矣隱公不能辨之於早以及于難書翬帥師惡之也不稱公子所以謹履霜之戒

九月衛人殺州吁于濮

程子曰稱衛人衆詞也舉國殺之也

欽定四庫全書

春秋左傳卷一

六

冬十有二月衛人立晉

未有為子而不受之父也未有為諸侯而不受之王也內不承國于先君故不稱公子上不稟命于天子故稱衛人立

五年春公觀魚于棠

臧僖伯諫而不聽僖伯稱疾不從

夏四月葬衛桓公

討賊而始葬魯往會故書

秋衛師入郕

將卑師衆稱師衛晉乘亂得立而遽與戎毒衆失君道矣

九月考仲子之宮

考始成而祀也凡宮廟非志災失禮則不書

初獻六羽

書初獻見前此借用八矣

邾人鄭人伐宋

欽定四庫全書

春秋左傳卷一

七

宋取邾田邾人請于鄭故鄭會邾伐宋先邾人為主也

螟

國之大事故書

冬十有二月辛巳公子彊卒

臧僖伯也

宋人伐鄭圍長葛

書圍志暴也

六年春鄭人來輸平

公之未立與鄭人戰于狐壤止焉故與宋為黨修怨于鄭邾鄭伐宋入其郛宋來告命使者失詞欲救而止鄭人遂乘隙而輸平也和不盟曰平

夏五月辛酉公會齊侯盟于艾

始平于齊也

秋七月

程子曰無事書首月天時王月備而後成歲也

欽定四庫全書

春秋孔義
卷一

冬宋人取長葛

圍其邑周一歲而取之

七年春王三月叔姬歸于紀

按伯姬為紀侯夫人其娣叔姬為滕待年于宗國不與嫡同行至是始歸于紀其後桓十二年紀滅宗廟在鄆叔姬不歸宗國而歸于鄆以全婦道春秋賢之故書此以張本程子曰娣歸不書閔其無終也

滕侯卒

程子曰不名史闕文也

夏城中丘

凡用民必書勞民為重事也

齊侯使其弟年來聘

程子曰凡不稱公子而稱弟者或責其失兄弟之義或罪其以弟之愛而寵任之過先儒母弟之說蓋緣禮文有立嫡子同母弟之說其曰同母弟蓋謂嫡耳非以同母為加親也若以同母為加親是不知人理

欽定四庫全書

春秋孔義
卷一

近于禽道也

秋公伐邾

為宋討也渝蔑之盟矣

冬天王使凡伯來聘戎伐凡伯于楚丘以歸

周禮時聘以結諸侯之好諸侯不修臣職而聘之非王體也國曰伐此一人而曰伐大天子之命也楚丘衛地以歸易詞于楚丘者罪衛之不救以歸者罪凡伯之失節

八年春宋公衛侯過于垂

齊將為鄭平宋衛有會期矣而宋衛先為垂之過者有私謀也私謀為何有意於從齊黨而無志於釋鄭憾也

三月鄭伯使宛來歸祊庚寅我入祊

魯有朝宿之邑在王畿之內曰許鄭有湯沐之邑於泰山之旁曰祊時天子不巡狩魯亦不朝故欲以祊易許田各取其近者前此來輸平以言請之矣至是

欽定四庫全書

春秋左傳卷一

十

始入地也入者內不受也義不可而強入之也

夏六月己亥蔡侯考父卒

辛亥宿男卒

秋七月庚午宋公齊侯衛侯盟于瓦屋

宋衛一黨也齊鄭一黨也鄭莊挾齊以自強齊僖特假鄭以糾合耳不逾年會防謀伐宋矣要盟何益哉

八月葬蔡宣公

諸侯五月而葬宣公卒兩月耳不及期簡也

九月辛卯公及莒人盟于浮來

浮來莒地人微者莒雖小國而入向伐杞能為魯患故七年城中丘以備之至是復屈已要盟于其地魯之不國甚矣

螟

冬十有二月無駭卒

書名未賜族也季氏曰未為卿也

九年春天王使南季來聘

欽定四庫全書

春秋左傳卷一

十一

諸侯不朝而聘之不王也

三月癸酉大雨震電庚辰大雨雪

陰陽運動有常而無惑凡失其度人為惑之也

挾卒

夏城郎

郎逼宋城郎將為鄭伐宋也

秋七月

冬公會齊侯于防

會防謀伐宋也左氏曰鄭伯以王命討宋之不王豈其然乎假此以誑齊魯耳

十年春王二月公會齊侯鄭伯于中丘

會於中丘盟于鄧為師期也

夏鞏帥師會齊人鄭人伐宋

三國先遣將致伐齊鄭稱人非卿也

六月壬戌公敗宋師于菅

不言戰而言敗敗者為主彼與戰而此敗之也

欽定四庫全書

春秋孔義
卷一

十二

辛未取郕辛巳取防

程子曰取二邑而有之盜也

秋宋人衛人入鄭宋人蔡人衛人伐戴鄭伯伐取之

宋又連衛以報鄭鄭幸管之敗而不備故師還及郕

宋衛已乘其虛而入之矣

左氏曰宋衛既入鄭而以伐戴召蔡人蔡人怒故不

和而敗戴鄭所與也故伐之鄭伺三國之便與戴合

攻故取三師也

冬十月壬午齊人鄭人入郕

衛蔡邾與國也故不會伐宋鄭既得衛蔡故又入郕

十有一年春滕侯薛侯來朝

諸侯雖有相朝之禮而當時諸侯皆不朝王獨朝魯

可乎滕薛二君不特言者譏旅見也

夏公會鄭伯于時來

時來鄭地謀伐許也

秋七月壬午公及齊侯鄭伯入許

欽定四庫全書

春秋孔義
卷一

十三

鄭隣許伐許鄭志也書及內為主也以歸枋之故也

冬十有一月壬辰公薨

薨不書地弑也孰弑鞏也孰使鞏弑桓也賊不討不

書葬無臣子也

春秋孔義卷一

欽定四庫全書

春秋孔義卷二

明 高攀龍 撰

桓公

元年春王正月公即位

繼故不言即位先君不以其道終子弟不忍即位也

繼故而言即位則弑也故美惡不嫌同辭

二月公會鄭伯于垂

鄭為主故稱會

欽定四庫全書

春秋孔義
卷二

鄭伯以璧假許田

朝宿之地先王所錫先祖所受而私相貿易是無君

無親也曰假諱易地也

夏四月丁未公及鄭伯盟于越

魯志也故稱及桓公欲結鄭好以自安故既與許田

又為盟也弑君之人凡民罔不懟而鄭與之盟以定

之其罪大矣

秋大水

桓行逆德而致陰沴宜矣

冬十月

二年春王正月戊申宋督弑其君與夷及其大夫孔父

程子曰人臣死君難書及以著其節父名也稱大夫

不失其官也

左氏曰宋督攻孔氏殺孔父而取其妻公怒督懼遂

弑殤公孔父先死曰及何也穀梁曰書尊及卑春秋

之義也孔父之先死何也公羊曰孔父正色立朝使

欽定四庫全書

春秋孔義
卷二

其生而存君不可得而弑也孔父可謂義形于色矣

滕子來朝

杞最小初稱侯已稱伯稱子滕亦小初書侯已書子

蓋弗給于朝覲貢賦自降為子聖人因其實而書之

桓公天下之大惡滕子先隣國而朝其罪自見也

三月公會齊侯陳侯鄭伯于稷以成宋亂

為賂故立華氏也會未有指言所事指言所事特書

也此春秋大義也

夏四月取郕大鼎于宋戊申納于太廟

取者得非其有之稱宋始以不義取之故係其器于郕賂公者宋也而書曰取蔽罪于魯也以成亂之賂器置周公之廟公其受之乎故書納納者弗受而強致之也

秋七月杞侯來朝

杞當作紀杞則非侯也來朝懼齊也

蔡侯鄭伯會于鄧

欽定四庫全書

春秋左傳卷二

三

左氏曰始懼楚也

九月入杞

左氏曰討不敬也豈其然乎紀求魯庇魯因責利小

國不能供焉耳

公及戎盟于唐

冬公至自唐

出告反至常事爾何以書或以去國踰時之久或以會盟侵伐之危或以黨惡附姦之罪唐之至危之也

弑君之賊使戎而不如鄭齊陳之黨惡則討之矣

三年春正月

闕疑

公會齊侯于贏

左氏曰成昏于齊也杜氏曰不繇媒介非禮也

夏齊侯衛侯胥命于蒲

古者不盟結言而退胥命相命也相命近正也故荀

卿曰春秋善胥命

欽定四庫全書

春秋左傳卷二

四

六月公會杞侯于郕

杞求成也

秋七月壬辰朔日有食之既

汪氏曰日食三十六食既者三皆臣子僭逆夷狄暴

橫之應故此年而後荆楚僭王鄭敗王師宣八年而

後楚莊圍宋伐鄭伐晉襄二十四年而後齊崔杼衛

甯喜弑君吳楚橫行中國

公子翬如齊逆女

稱公子已為卿也

九月齊侯送姜氏于謹

越境送女非禮也

公會齊侯于謹

為齊侯爾非為親迎也

夫人姜氏至自齊

告廟而飲至也以翬往而不言以至者公親受之齊

侯也皆非禮也

欽定四庫全書

春秋孔義
卷二

五

冬齊侯使其弟年來聘

致夫人也非禮也

有年

十二公多歷年所豈無豐年而獨桓書有年宣書大

有年何也桓弑君而立宣為弑君者所立皆獲罪于

天宜得水旱凶災而乃有年是反常也故紀其異

四年春正月公狩于郎

于郎遠也

夏天王使宰渠伯糾來聘

程子曰桓弑君而立天子不能治天下莫能討而王

使其宰聘之天理滅矣人道亡矣

或曰渠氏伯糾字以大夫而攝宰者

是年不具秋冬未詳

五年春正月甲戌巳丑陳侯鮑卒

杜元凱長歷正月無甲戌

夏齊侯鄭伯如紀

欽定四庫全書

春秋孔義
卷二

六

齊鄭朝紀欲以襲之紀人知之外相如不書此何以

書紀來告也以諸侯而為賊于隣國春秋所深疾也

天王使仍叔之子來聘

書仍叔之子譏世官也

葬陳桓公

城祝丘

祝丘在齊魯之間公欲助紀而畏齊故以非時城

秋蔡人衛人陳人從王伐鄭

王奪鄭伯政鄭伯不朝王以諸侯伐之戰于繻葛王

卒大敗鄭師射王中肩不書戰不書敗所不忍言存

天下之防也書從王明君臣之義也然則曷爲書王

師敗績于茅戎曰王師則非親討敗而可書也

大雩

大雩帝用盛樂天子之事也魯諸侯而郊禘大雩歲

以爲常不能悉書故雩以非時而書非時而雩以旱

也書之見其非禮且志旱也郊禘亦因事而書

欽定四庫全書

春秋左傳
卷二

七

冬

螽書時不在一月也

冬州公如曹

州公嘗為王三公故稱公傳云度其國危遂不復

六月春正月寔來

寔州公也程子曰不能反國故遂名之忽稱鄭忽明

其正也寔不稱州亡其國也

夏四月公會紀侯于郕

諮謀齊難也

秋八月壬午大閱

簡車馬也懼齊鄭故先王寓軍政于四時之田其備

豫矣無事而為之妄動也有警而為之教之不素也

盛夏大閱厲農失政甚矣不言公一國之事也

蔡人殺陳佗

佗弑太子免而自立踰年矣書曰陳佗以賊討也蔡

侯殺之而書蔡人天下之大惡人皆得而誅也

欽定四庫全書

春秋左傳
卷二

九月丁卯子同生

啖氏曰君嫡子生以太子生之禮舉之則史書之

冬紀侯來朝

欲公請王命求齊成公告不能

七年春二月己亥焚咸丘

咸丘地名焚林而田淫獵也

夏穀伯綏來朝鄆侯吾離來朝

名之者賤之也越國踰境相繼而朝弑君之賊為可

賤也

八月春正月己卯烝

冬烝非過也書之譏五月復烝為黷也

天王使冢父來聘

桓公弑立未嘗朝覲天王不討至是三聘矣

夏五月丁丑烝

黷祀也志不敬也

秋伐邾

欽定四庫全書

春秋孔義
卷二

九

冬十月雨雪

程子曰建酉之月未霜而雪書異也

祭公來遂逆王后于紀

左氏曰禮也杜氏曰天子娶于諸侯使同姓諸侯為主祭公來受命于魯故曰禮也程子曰王姬下嫁則同姓諸侯為主逆王后無使諸侯為主之理此譏祭公受命逆后而過魯行朝會之禮若以朝魯為主而逆后為遂也胡氏取劉敞之說曰命魯以婚姻

之事大夫可矣何必三公任重而輕使故祭公專命

不報遂行如紀王以輕使為失祭公以遂行為罪矣

趙鵬飛曰齊將滅紀紀託于魯魯不能庇於是為之

謀俾納女于王託王為重焉祭公因不反命而遂逆

王后也

九年春紀季姜歸于京師

逆稱王后主王朝言也歸稱季姜主紀言也京大師

衆也凡王后非過國都不書歸

欽定四庫全書

春秋孔義
卷二

十

夏四月

秋七月

冬曹伯使其世子射姑來朝

曹伯有疾使其世子來朝君疾而儲副出危道也

十年春王正月

庚申曹伯終生卒

夏五月葬曹桓公

秋公會衛侯于桃丘弗遇